АЖРИМ

(даъво аризасини кўрмасдан қолдириш тўғрисида)

Шовот тумани

2024 йил 29 март

4-2202-2402/587-сонли иш

Шовот туманлараро иктисодий судининг судьяси Р.Маткурбанов раислигида, судья ёрдамчиси М.Қурбантурдиевнинг котиблигида,

Даъвогар: Гурлан туман фермер, деҳқон хўжаликлари ва томорқа ер эгалари Кенгашининг «Тажибай эқономист» фермер хўжалиги манфаатида;

Жавобгар: «GURLAN GLOBAL TEKS» масъулияти чекланган жамиятидан 83.254.377 сўм қарздорликни ундириш тўгрисидаги даъво аризаси бўйича ишни Кенгаш вакили Х.Якубов (ишончномага асосан), даъвогар вакили Р.Матсапаев (раҳбар), жавобгар вакили К.Бабаджанова (ишончнома асосида) иштирокида, Шовот туманлараро иктисодий суди биносида, очик суд мажлисида кўриб чикиб, куйидагиларни

аниклади:

Даъвогар Гурлан туман фермер, деҳқон ҳўжаликлари ва томорқа ер эгалари Кенгаши «Тажибай эқономист» фермер ҳўжалиги манфаатида Шовот туманлараро иктисодий судига даъво ариза билан мурожаат қилиб, жавобгар «GURLAN GLOBAL TEKS» масъулияти чекланган жамиятидан 83.254.377 сўм қарздорликни ундиришни сўраган.

Бугунги суд мажлисида «Тажибай эқономист» фермер хўжалиги рахбари судга ишни кўрмасдан қолдириш ҳақидаги аризани тақдим қилди.

Суд мажлисида кенгаш вакили ишни қонуний кўриб чикишни сўради.

Суд мажлисида жавобгар вакили ишни қонуний кўриб чиқишни сўради.

Суд, ишда иштирок этувчи шахслар вакилларини тинглаб ҳамда ишдаги ҳужжатларни ўрганиб чиқиб, қуйидаги асосларга кўра даъвони кўрмасдан қолдиришни лозим деб топади.

Ўзбекистон Республикаси Иқтисодий процессуал кодекси 50-моддасининг 3-қисмига кўра, Давлат органи ва бошқа шахс томонидан даъвогарнинг хуқуқларини химоя қилиш мақсадида такдим этилган даъво аризасидан (аризасидан) даъвогарнинг (аризачининг) воз кечиши даъво аризасини (аризани) кўрмасдан қолдиришга олиб келади.

Ўзбекистон Республикаси Иқтисодий процессуал кодекси 107-моддаси 8-бандига кўра, даъвогарнинг манфаатларини кўзлаб прокурор, давлат органи ва бошқа шахс томонидан такдим этилган даъводан даъвогар воз кечган бўлса даъво аризани кўрмасдан қолдиради.

Шу сабабдан суд даъвогарнинг даъво талабини кўрмасдан қолдиришни, суд харажатларини даъвогар зиммасига юклашни лозим деб топади.

Узбекистон Республикаси Иктисодий процессуал 118-моддасининг 7-қисмига кўра, Давлат божи тўлашдан озод қилинган давлат органлари хамда бошка шахслар томонидан юридик шахслар ва фукароларнинг манфаатларини кўзлаб такдим этилган даъво талабларини каноатлантириш рад этилган ёки улар қисман қаноатлантирилган тақдирда, давлат божи манфаатлари кўзланиб даъво такдим этилган шахслардан даъво талабларининг қаноатлантирилиши рад этилган қисмига мутаносиб равишда ундирилади.

Бирок, Ўзбекистон Республикаси Президентининг 10.10.2017 йилдаги ПҚ 3318-сонли қарори 3-бандида фермер, деҳқон ҳўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва ҳўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шаҳслари ҳатти-ҳаракатлари

(ҳаракатсизлиги) устидан шикоятлар тақдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон ҳўжаликлари ва томорқа ер эгаларидан давлат божи ундирилмайди деб кўрсатилган.

Баён этилганларга асосан суд, даъвогарнинг даъво талабини кўрмасдан қолдиришни, суд харажатларини даъвогар зиммасига юклашни, даъвогар юкоридаги қарорга мувофиқ давлат божидан озод этилганлигини инобатга олишни, тўланган почта харажатини даъвогар зиммасида қолдиришни лозим деб топади.

Юқоридагилардан келиб чиқиб, Ўзбекистон Республикаси Иқтисодий процессуал кодексининг 50, 107, 118-моддаларини қўллаб, суд

ажрим килди:

Даъвогар Гурлан туман фермер, дехкон хўжаликлари ва томорка ер эгалари Кенгашининг «Тажибай экономист» фермер хўжалиги манфаатида; жавобгар «GURLAN GLOBAL TEKS» масъулияти чекланган жамиятидан 83.254.377 сўм карздорликни ундириш тўгрисидаги даъво аризаси юзасидан кузгатилган 4-2202-2402/587-сонли иктисодий иш кўрмасдан колдирилсин.

Мазкур ажримдан норози тараф бир ойлик муддатда шу суд ороқали Хоразм вилоят суди иқтисодий ишлар бўйича судлов ҳайъатига апелляция тартибида шикоят қилишга, прокурор протест келтиришга ҳақли.

Судья

Р.Маткурбанов

